



«ԻՆՏԵՐԱԿՏԻՎ ԿՐԹՈՒԹՅԱՆ ԶԱՐԳԱՑՈՒՄ»
ՀԻՄՆԱԴՐԱՄ



ՀԵՐԹԱԿԱՆ ԱՏԵՍՏԱՎՈՐՄԱՆ ԵՆԹԱԿԱ
ՈՒՍՈՒՑԻՉՆԵՐԻ ՎԵՐԱՊԱՏՐԱՍՏՄԱՆ
ԴԱՍԸՆԹԱՑ 2022

ՀԵՏԱԶՈՏԱԿԱՆ ԱՇԽԱՏԱՆՔ

ԹԵՄԱ

Հ.Թումանյանի քառյակների ուսուցումը ժամանակակից տեխնոլոգիաների միջոցով

ԱՌԱՐԿԱ

Գրականություն

ՀԵՂԻՆԱԿ

Գեղեցիկ Ստեփանյան

ՄԱՐԶ

Կոտայքի մարզ

ՈՒՍՈՒՄՆԱԿԱՆ ՀԱՍՏԱՏՈՒԹՅՈՒՆ

Հրազդանի N 5 հիմնական դպրոց

Բովանդակություն

1.Բովանդակություն	-----1
2.Մեթոդներ	-----2
3.Ներածություն	-----3
4.Հովհաննես Թումանյանի քառյակների ուսուցումը՝ տեխնոլոգիաների միջոցով	----- 5
5.Եզրակացություն	-----17
6.Գրականության ցանկ	-----18

Մեթոդներ

- Դասախոսություն
- Մտազրոհ
- Վեկի դիագրամ
- Ասմունք
- Շրջագայություն պատկերասրահում
- Հարցերի քարտարան
- Ուսումնական նյութեր՝ համակարգիչ, բջջային հեռախոսներ, գունավոր մատիտներ, A4 չափսի թղթեր

ՆԵՐԱԾՈՒԹՅՈՒՆ

Արևի տակ ուսուցչի մասնագիտությունից բարձր մասնագիտություն չկա

Յան Կոմենսկի

Կրթությունը աշակերտների կողմից գիտելիքների, իմացական կարողությունների ու հմտությունների տիրապետման, աշխարհայացքի, ստեղծագործական ուժերի, ընդունակությունների զարգացման գործընթացն ու արդյունքն է: Մանկավարժը պետք է հենվի սովորողի զարգացման ոչ թե անցած, այլ վաղվա օրվա վրա: Եթե ուսուցանվող նյութը և ուսուցման մեթոդները այնպիսին են, որ սովորողի առջև խնդիր չի դրվում հաղթահարելու խոչընդոտները, ապա զարգացումը դանդաղում է: Ուսուցանվող նյութը դառնում է ավելի ընդգրկուն և խորիմաստ, եթե բացահայտվում է սովորողի կարողություններն ու հմտությունները: Ուսումնական գործընթացում ուսուցիչը գործ ունի տարբեր հետաքրքրությունների, մտածողության, խառնվածքի, հիշողության առանձնահատկություններ ունեցող սովորողների հետ: Ուսումնական գործընթացի արդյունավետությունը պայմանավորված է ոչ թե ուսումնական ծրագրով նախատեսված յուրացրած գիտելիքի քանակով, այլ դրա միջոցով սովորողի փորձի հարստացման, զարգացման, գործնականում կիրառելու մակարդակով: Յուրաքանչյուր սովորող պետք է հնարավորություն ունենա այնպիսի գործողություն ծավալելու, որի ընթացքում կարողանա ոչ միայն դրսևորի իր ինքնատիպությունը, այլև դրա միջոցով հիմնավոր գիտելիքներ ձեռք բերի: Գտության զարգացումը մեզ հնարավորություն է տալիս հասկանալ, թե ինչպես է տեղի ունենում սովորելու գործընթացը : Ժամանակակից մեթոդները, ՏՀՏ-ը, տարաբնույթ խաղերը ավելի են ամրապնդում սովորած գիտելիքները: Ինտերակտիվ մոտեցումները անհրաժեշտ են սովորողներին մոտիվացնելու, ուսուցումը ավելի հետաքրքիր ու մասնակցային դարձնելու համար: Նոր տեխնոլոգիաները յուրահատուկ կապ են ձևավորում սովորեցնողի և սովորողի միջև, շարժում են սովորողի հետաքրքրությունը ուսուցանվող նյութի հանդեպ: Նրանք հանդես են գալիս նոր առաջարկություններով, ազատ ու անկաշկանդ արտահայտվելու կարողություններ ու հմտություններ են ձեռք բերում:

Հաճախ սովորողից դառնում են սովորեցնող: ՏՀՏ-ի օգտագործումը դասապրոցեսում պետք է բարձրացնել , որպեսզի հասանելի լինի բոլոր սովորողներին:

Այս հետազոտական աշխատանքի նպատակն է՝

- Առաջարկվող հնարների միջոցով ավելացնել ուսուցիչների կողմից նյութի մատուցման հետաքրքիր ձևերը
- Ուսուցման գործընթացը դարձնել ավելի մատչելի, հետաքրքիր ,ավելի մասնակցային
- Խրախուսել աշակերտներին զարգացնել վերլուծական ու քննադատական կարողությունները
- Աջակցել սովորողներին հասկանալ սովորած թեմայի կարևորությունը, բովանդակությունը
- Խթանել պատկերավոր մտածողությունը
- Հետազոտության արդյունքում կարող են լուծվել մի շարք խնդիրներ
- Բացահայտել աշակերտների ստեղծագործական երևակայությունը
- Բարելավել լսածի ու կարդացածի վերաբերյալ գրագետ արտահայտվելու հմտություններ
- կատարելագործել վերլուծական ու քննադատական կարողությունները
- մշակել բանավոր ու գրավոր խոսքը

Հովհաննես Թումանյանի քառյակների ուսուցումը ժամանակակից սեխնոլոգիաների միջոցով

Հեղեղի պես իջավ նա Լոռու վայրենի լեռներից՝ բերելով իր հետ մի ամբողջ բնություն՝ հուռթի ու բազմավարար, մի ամբողջ հինավուրց ժողովուրդ՝ իր տոհմիկ երգով ու խոսքով, հույզերով ու երևակայությամբ: Եվ նչպես ստեղծող բնությունը՝ փոռեց նա մեր հոգու առջև իսկական, անկեղծ բանաստեղծություն:

Ավետիք Իսահակյան

Քառյակ

Ինչ է քառյակը: Քառյակը չորս տողից կազմված բանաստեղծություն է: Այն արտահայտում է ավարտուն միտք, գաղափար, պատկեր: Քառյակն ունի խոհափիլիսոփայական բովանդակություն: Լայնորեն տարածված է եղել արևելքի, հատկապես պարսկական, միջնադարյան բանաստեղծության մեջ և կոչվել է ռուբայի: Միջնադարում են ստեղծվել նաև հայկական քառյակները՝ հայրենները: Հայրենը հայտնի է նաև որպես ժողովրդական ստեղծագործություն, կոչվում են անտունի, խաղիկ: Հայրեններ գրել են միջնադարի բանաստեղծներ Ֆրիկը, Հովհաննես Երզնկացին, առավել հայտնի են Նահապետ Քուչակի հայրենները: Հայ գրողներից քառյակներ գրել են Եղշե Չարենցը, Հովհաննես Շիրազը, Խաչատուր Աբովյանը, Վահան Տերյանը և այլք:

Կյանքի վերջն շրջանում՝ 1916- 1922 թթ Թումանյանը գրեց իր նշանավոր քառյակները, ամբողջացրեց աշխարհից ստացած տպավորությունները, հասարակության և բնության մասին կուտակած խոհերը, սեփական կենսափորձը: Բանաստեղծը գրում է <<Քառյակները շատ ուժեղ շտրիխներ են, դրանք իմ հոգու կենսագրությունն են>>: Գրած յոթանասուն քառյակներում Թումանյանը բարձրացնում է բազմաբնույթ հարցեր՝ անպարփակ սեր ու կարոտ հայրենի եզերքի ու հարազատների հանդեպ, սեր դեպի բնությունն ու մարդը: Մեծ լռեցն անհաշտ էր մեծ տերությունների վարած արյունալի քաղաքականության հետ, նրա նրբազգաց ոգին ծառանում է այդ քաղաքականությանդ դեմ, անմարդկային մի քաղաքականություն, որն այլանդակում է բնությունը, հասարակական կյանքը:

Ո՞ր հեռանաւ. կոխած տեղդ արյունոտ,

*Ու՞մ մոտ գնաս .ճանոթ ընկերդ արյունոտ,
Ոնց մոռանաս էս աշխարհքը արյունոտ,
Երգ էս լսում. լսած երգդ արյունոտ:*

Կամ՝

*Ամեն մի սիրտ ցավով լրցվեց մեր դարում,
Ցավոտ սրբոտով աշխարհ լրցվեց մեր դարում,
Ցավոտ աշխարհքն եկավ լրցվեց բովանդակ,
Իմ սիրտը բաց , իմ սիրտը մեծ մեր դարում:*



Թումանյանը ամբողջ սրտով զգացել է հարազատ ժողովրդի ողբերգությունը: Չնայած բոլոր «ցավերին, նենգ ու դավին»՝ նա չի չարանում աշխարհի դեմ, քանի որ «ամենքի հետ ապրում է, ամենքի չափ տառապում»:

Գրականագետ Կարլեն Դանիելյանը գրում է. «Քառյակները լուսեղեն ու մաքուր հաց են՝ նշխարքի նման, որոնց պիտի մոտենալ-մերձենալ ոչ ամեն պահի, հատկապես լքյալ, հատկապես անորոշ այն պահերին, երբ մարդու միջից ծխի նման ելնում է հանդարտ, քիչ տարուբերվող տրտմությունը: Այդ տրտմությունը այն չէ, ինչ մենք գիտենք, այն սկսում է շարժվել ու նրբերանգներ առնել, երբ մարդն ինքն իր հետ է և առանձնության մեջ, գլխովին ներսուզված սեփական անհայտության ծովը»:¹

Կ.Դանիելյան «Գրականության պատմության լույսը» Երևան «Սովետական գրող» 1980թ. էջ 176.

*Երնեկ էսպես՝ անվերջ քեզ հետ- իմ կյանքի հետ լինեի,
Հագար երնեկ՝ դաշտում մենակ- երկրնքի հետ լինեի,
Բայց ով կըրտա էն վայելքը՝ ինքըս ինձ էլ չըզգայի,
Ու հալվեի, ծավալվեի, ամենքի հետ լինեի...*

Քառյակներում Մեծ հայրենասերը խոսում է իր անունից, բայց այդ ես-ը ողջ մարդկությունն է: Ըստ Թումանյանի՝ մարդու շնորհները, օժտվածությունը աստվածային սկիզբ ունեն: Այդ է պատճառը, որ մեծ մտածողը Աստծո հետ նույնանալու, նրա պես ապրելու կամ նրա նման ծավալվելու ու կենդանի շունչը մյուսներին փոխանցելու անափ կարոտը ճանապարհ է հարթում դեպի Ստեղծողին հասնելու խոր ցանկություն:

*Կյանքս արի հրապարակ, ոտքի կոխան ամենքի,
Խափան, խոպան ու անպըտուղ, անցավ առանց արդյունքի,
Ինչքան ծաղիկ պիտի բուսներ, որ չբուսնավ էս հողին,
Ինչ պատասխան պիտի էս տամ հող ու ծաղիկ տըվողին:*

Թումանյանը քառյակներ սկսել է գրել 1916 թվականից: Դրա համար նա պատճառներ ուներ: Հեղինե Մելք- Հայկազյանին գրում է. «Ճշմարիտ որ՝ էս վերջին մի քանի ամիսը սոսկալի ամսներ եղան իմ կյանքում: Առաջ Վան, հետո ամառ Էջմիածին, նրանից հետո մի եղբորս սպանությունը, տունը անտեր-

ու միայն շփոթված, սգավոր կանայք ու երեխաներ, մյուս եղբայրս ֆրոնտում կամ հիվանդանոցներում, տղերքս դեն- դես ցրված ու վտանգի տակ...մի խոսքով էն վերջին տարիները գնան ու ետ չգան»:

2./Ն. Թումանյան, Երկերի ժողովածու, Երևան 1945, հ.5 էջ 410/

Անձնական ապրումների միջոցով բանաստեղծը արտահայտում է ողջ հայ ժողովրդի ապրումները:

Ու՞ր կորան...

Մոտիկներըս ո՞ւր կորան,

Ինչքան լացի, ձեն ածի՝

Ձեն չի տըվին, լուռ կորան:

Կամ՝

Ետ չեկավ...

Գրնաց, գրնաց ետ չեկավ,

Անդարձ կապով սև հողում

Կապվեց, մնաց, ետ չեկավ:

Մեծ լռեցին խոստովանում է...Շարունակ ուզեցի Լոռի- մեր գյուղում մի հարմարություն ստեղծեմ, էնտեղ քաշվեմ ապրելու և պարապելու: Չեղավ: Երևի էսպես էլ գլուխ չի գալու...: Այսպիսի լուսավոր երազանքը չիրականալու հետևանքով էլ ծնվեցին ներքոհիշյալ հայրենակարոտ քառյակները:

Լիներ հեռու մի անկյուն,

Լիներ մանկան արդար քուն,

Երագի մեջ երջանիկ

Հաշտ ու խաղաղ մարդկություն:

Կամ՝

Աշնան ամպին ու զամպին,

Մոլոր նստած իր ճըմբին,

Լոռու հանդում մի արտուտ

Սպասում է իմ ճամփին:

Թումանյանի ամեն քառյակ հյուսված է հոգու անորսալի ելևեջումներից, մանկական վառ հիշողություններից, սարերում անցկացրած մանկական վառ տպավորություններից.

Իմ սուր, արթուն ակննջում

*Մի խոր ձեն է միշտ հրնչում,
Անհուն, անքուն կարոտով
Իրեն մոտ է ինձ կանչում:*

Թումանյանը բազմակողմանի զարգացած անձնավորություն էր: Քաջատեղյակ էր արևելյանգրականությանը, ուսումնասիրել էր հնդկական փիլիսոփայությունը, թարգմանել էր Խաղանից վեց ռուբայի, ծանոթ էր Օմար Խայամի ստեղծագործություններին: «Մենք մեջտեղն ենք հոգևոր Արևելքի և գործնական Արևմուտքի: Արևելքը մարդը հասցրել է Աստծուն, տիեզերքին, Աթմանին խառնել... Աթմանը՝ ուրախություն է, որ խոսում է կեցության մասին, կեցության ուրախություն»: Ահա քառյակներից մեկը.

Հ.Թումանյան Երկերի ժողովածու, Երևան 1990թ. Հատոր 10

*Արևելքի եղեմներին իջավ պայծառ իրիկուն,
Հեքիաթական պալատներում ըսպասում են իմ հոգուն,
Ինչ եմ շինում էս ցեխերում, աղմուկի մեջ վայրենի...
Այս թե նորից գրտնեմ ճամփան՝ դեպի էնտեղ, դեպի տուն:*

Պետք է նշել, որ այս քառյակը գրված է Դսեղում՝ Թումանյանի տուն- թանգարանի բակում տեղադրված մահարձանի վրա, որի տակ սմփոփված է Ամենայն հայոց բանաստեղծի տառապած սիրտը: Արևելքը քաղաքակիրթ մարդկության հիշողությունն է, հին քաղաքակրթության արձագանքը: Ըստ Թումանյանի՝ «Արևելքը հանելուկ է, խորհուրդ, թանձր մտածում, ազատության օրրան, Մեծ ոգու թագավորություն»:

/Հովհաննես Թումանյան, Երկերի ժողովածու, Երևան 1959թ, հ.6 էջ 249/

*Խայամն ասավ իր սիրուհուն. „Ոտքդ զգույշ դիր հողին,
Ով իմանա՝ որ սրունի բիբն եց կոխում դու հիմի...»,
Հեյ, ջան, մենք էլ զգույշ անցնենք, ով իմանա թե հիմի
Էն սիրունի բի բն ենք կոխում, թե հուր լեզուն Խայամի:*

Բանաստեղծը փորձում էր իր « համոզմունքներին ու հավատին» ճամփա բանալ դեպի հին ու նոր աշխարհների սահմանները, հասնել աննյութական ու պարզ երջանկության ակունքներին:

Թումանյանը գրում է. «Կյանքը իր ամբողջության մեջ՝ մեծ է, շատ է մեծ: Կյանքը -տիեզերական կյանք է, նարդու կյանքի ամբողջ վեհությունն ու քաղցրությունն էլ հենց էն է, որ իր շրջապատի միջոցով ապրի էն մեծ կյանքով..., բայց մարդը ապրում է նրա մի մասով- մարդկային կյանքով ...Սակայն մարդկային կյանքով ապրելու էլ քչերն են ընդունակ: Չէ՞ որ կյանքն ինչպես անսահման մեծ է, էնպես էլ փոքր է անսահման»:Ապրել ժամանակի մեջ, ժամանակին համահուն

Հովաննես Թումանյան Երկերի ժողովածու, Երևան 1951թ.

Էս է, որ կա...Ճիշտ ես ասում, թասըդ բեր:

Էս էլ կերթա՝ հանց երագում, թասըդ բեր:

Կյանքն հոսում է տիեզերքում զրնգալեն,

Մեկն ապրում է, մյուսն ըսպասում. թասըդ բեր:

Մի քանի քառյակներում Թումանյանը քննել է «ագահ» ու «անգոհ» մարդու ագահությունը, տառապանքի, հարստության, ոսկու հետևից հասնելու ձգտումը: Մարդը երբեք չի բավարարվում ունեցածով, Աստծու տված բարիքները չի գոհանում, բայց չի կարող «ուրախ ու խաղաղ» անցնել «երկու օրվա էս ճամփեն»: Երկրային կյանքը շատ կարճ է երկնային կյանքի համեմատ:

Հեյ, ագահ մարդ, հեյ անգոհ մարդ, միտքըդ երկար, կյանքըդ կարճ,

Քանի քանիսն անցան քեզ պես, քեզնից առաջ, քո առաջ,

Ինչ են տարել նրբանք կյանքից, թե ինչ տանես դու քեզ հետ,

Խաղաղ անցիր, ուրախ անցիր երկու օրվան էս ճամփեդ:

Աշխարհի չարն ու բարին տեսծ, «ամենքի չափ տառապած» բանաստեղծը երագում էր ապրել անդորրության մեջ՝ շրջապատված «հաշտ ու խաղաղ» մարդկանցով: Միրել է մարդուն այնպես, ինչպես կա, մինչև անգամ զայրույթի պահին նա երբեք չի չարացել, «սիրել, տարել ու ներել, վատը լավ է» տեսել միշտ: Փ. Վարդազարյանին գրել է. «Գիտես, ես էլ հետզհետե փիլիսոփայություն եմ սիրում և բանաստեղծության մեջ էլ այն, որ ոչ արտասուք ունի, ոչ հուզմունք, այլ մի վեհափառ խաղաղություն, մի օլիմպիական, վսեմ, արհամարհոտ թոփչք դեպի լավագույն աշխարհները և ավելի ջինջ ու մաքուր մթնոլորտները»: Թունանյանն այդպես է ապրել, այդպես է մտածել:

*Տիեզերքում աստվածային մի ճամփորդ է մ հոգին.
Երկրից անցվոր, երկրի փառքին անհաղորդ է իմ հոգին.
Հեռացել է ու վերացել մինչ աստղերը հեռավոր,
Վարը մնացած մարդու համար արդեն խորթ է իմ հոգին:*

Ամփոփելով ասվածը՝ պետք է նշել, որ բանաստեղծը քառյակները, թեմատիկ շարքերի չի բաժանել, բայց դրանց բաժանունը կօգնի հասկանալ բանաստեղծական «խոհի ու հույզի» զարգացման ընթացքը.

Էդ.Ջրբաշյան, Հ.Սախչանյան Հ.Թումանյան Ընտիր Երկեր «Սովետական գրող», Երևան 1990թ. Հատոր 2, էջ 508-512թթ.

1.քառյակներ, որոնց կենսական հիմքը այդ տարիներին բանաստեղծի կրած անձնական կորուստներն էին՝ հայրը, երկու եղբայրները, որդին՝ Արտավազը, գրչակից ընկեր Ղազարոս Աղայանը.

*Ամեն մի սիրտ ցավով լրցվեց մեր դարում,
Ցավոտ սըրտով աշխարհ լրցվեց մեր դարում.
Ցավոտ աշխարհքն եկավ լրցվեց բովանդակ,
Իմ սիրտը բաց, իմ սիրտը մեծ մեր դարում:*

2.քառյակներ, որոնց մեջ բանաստեղծը հիշում է մանկության անմոռանալի դեմքերն ու իրադարձությունները, ծննդավայրի անգուգական բնությունը՝ Լոռվա խորունկ ձորը, «գիժ» Դեբեդը, ժայռերը՝ հոնքերը կիտած, համառ ու անթարթ նայում են հանդարտ».

*Կըլթացնում են, արտորում
Արտուտները սարերում,
Թոչում մանուկ հոգուս հետ,*

Ճախրում, ճրխում եթերում:

3. քառյակներ, որոնք բանաստեղծի հոգևոր որոնումների և ճակատագրի ամփոփումն են.

*Դու մի անհայտ Բանաստեղծ ես, չըտեսնկած մինչ էսօր.
Առանց խոսքի երգ ես թափում հայացքներով լուսավոր:
Ես էլ ասենք, զարմանալի Ընթերցող եմ բախտավոր,
Որ կարդում եմ էդ երգերը էսքան հեշտ ու էսքան խոր:*

4. քառյակներ, որոնց մեջ բանաստեղծը զննում է մարդու պատմական ճակատագիրը, անհատի և հասարակության փոխհարաբերության հարցերը.

*Ազատ օրը, ազատ սերը, ամեն բարիք իր ձեռքին,
Տանջում, տանջում , որոնում է ու դրժբախտ է նա կըրկին.
Էյ անխելք մարդ , երբ տի թողնես ապրողն ապրի սրբտալի,
Երբ տի ապրես ու վայելես էս աշխարհքը շեն ու լի:*

5. քառյակներ, որոնց մեջ բանաստեղծը քննում է մարդու և բնության փոխհարաբերությունը.

*Լույսը լուսին Քո ժպիտն է իմ երեսին ճառագում,
Երբ , ախ, արդեն անբույժ զարկված, դեպի մահն եմ ես հակվում.
Էսպես էն վառ արեգակի շողերի տակ կենսածոր
Կայծակնահար կաղնին ոտքի չորանում է օրեցօր:*

6. քառյակներ, որոնց մեջ բանաստեղծը բանաստեղծը մտորում է տիեզերքի խոհերի շուրջ.

*Աստեղային երագների աշխարհքներում լուսակաթ,
Մեծ խոհերի խոյանքների հեռուներում անարատ,
Անհիշելի վերհուշերի մըշուշներում նըրբադոտ `
Երբեմն, ասես, զգում եմ, թե ես կըհասնեմ Նըրա մոտ:*

Թումանյանը այստես է արժևորել քառյակը. «Քառյակը պոեզիայի մինիատյուրն է, նուրբ ճաշակի բան...իմաստություն, վեհություն...քառյակը գոհար է և անպայման հղկված պետք է լինի»: Թումանյանի քառյակները «հայ քնարերգության մարգարիտներն են» և դասվում են հայ բազմադարյան խոսքարվեստի լավագույն նվաճումների շարքը: Մեծ հայն ու հայրենասեր, բանաստեղծը իրավունք ուներ իր մասին գրել, որովհետև նա սերել էր իր ժողովրդից, հազար թելերով կապված էր նրա հետ.

*Իմ կրնունքին երկինքը ժան, արևը՝ ջահ սրբբազան,
Ծիածանը նարոտ եղավ, ամենքի սերն՝ ավազան,
Մարը եղավ կրնքահայրըս, ցողը՝ մյուռոն կենսավետ,
Ու կրնքողս Նա ինքն եղավ, որ սահմանեց ինձ պոետ:*

Համագործակցային ուսուցումը իրականացվում է համագործակցային դասի միջոցով: Սա մի գործընթաց է, որը հիմնականում կապված է տրամաբանորեն իրար հաջորդող վարժություններից: Այդ ընթացքում սովորողները սովորում են և սովորեցնում, ձեռք են բերում նոր հմտություններ ու կարողություններ: Համագործակցային ուսուցման կարևոր միջոց է խմբային աշխատանքը: Խմբի յուրաքանչյուր սովորող պետք է գիտակցի, որ իրենից է նաև կախված խմբի հաջողությունը, քանի որ դասի ավարտին կատարվելու է ինքնագնահատում, խմբի յուրաքանչյուր անդամ գնահատվում է նաև խմբի կողմից: Դասարանը բաժանում է վեց խմբի, յուրաքանչյուր խմբում երեքից ոչ պակաս սովորող: Յուրաքանչյուր առաջադրանքից հետո խումբը ներկայացնելու է իր աշխատանքը:

- Ասմունքել նախընտրած քառյակները՝ դասագրքից կամ համացանցից
- շարունակել քառյակը.
- Քանի ձեռքից եմ վառվել.....
- Ինչքան ցավ եմ տեսել ես.....
- Բերանն արնոտ մարդակերը էն անբան.....
- Ամեն անգամ քո տվածց երբ մի բան ես Դու տանում.....
- Երագումբս մի մաքի.....

3.Ըստ հերթականության՝ գասավորել քառյակի տողերը.

1.

Ա. Հազար էսպես ձևեր փոխեմ, ձևը խաղ է անցավոր,

Բ.Հազար տարով, հազար դարով առաջ թե ետ, ինչ կա որ,

Գ.Ես միշտ հոգի տիեզերքի մեծ հոգու հետ, ինչ կա որ,

Դ.Ես եղել եմ, կամ, կրլինեմ հար ու հավետ, ինչ կա որ:

2.

Ա. Քարշ եմ գալի ես տկար,

Բ.Իմ սրտի հետ խելագար,

Գ.Անհավասար կովի մեջ

Դ.Նա մի առյուծ, ես մի գառ:

3.

Ա. Երազեցի շարունակ

Բ.Ու մնացի միշտ մենակ,

Գ.Իմ կյանքի մեջ ես մանկուց,

Դ.Պատրանքի մեջ՝ ես մանկուց:

4. Որ խումբը ավելի շուտ կգուշակի բաց թողնված բառերը.

Ա. Արյունալի աղետներով,ահարկու,

Արևմուտքի ստրուկները մեքենայի և ոսկու՝

Իրենց հոգու անապատից խուսափում են խուռներամ,

Դեպ Արևելքն աստվածային..... իմ հոգու:

Բ. Ո՞վ էանում, ո՞վ,

Հեռվից անթիվ ձեռքերով,

-Ջան, հայրենի.....,

Դուք եք կանչում ինձ ձեր քով:

5.Ընդգծված բառերը փոխարինել հոմանիշներով այնպես, որ միտքը չաղավաղվի.

Բարձր է հնոց աշխարհն Հայոց ու Մասիսը երկնադետ,

Իմ խոր հոգիի էն բարձունքին խոսք է բացել Նըրա հետ,

Ամհաս բանից ,ըսկգբանից, երբ չըկան էլ դեռ չըկար,

Մինչև վախճանն անվախճանի քընընում է դարեդար:

6. Յուրաքանչյուր խումբ նկարագարողի իր նախընտրած քառյակը:

7.Համացանցից միացնել Ս.Յուղբաշյանի տեսահոլովակը, ձայնը անջատել,սովորողները պետք է գուշակեն , թե ո՞ր քառյակին է համապատասխանում տվյալ բնանկարին: Այնուհետև միացնել ձայնը: Հաճախ ճիշտ են գուշակում, կարող է նաև իրենց տարբերակը առաջարկել:

8. Խմբերին բաժանել քառյակների թեմաները, որպեսզի համացանցից ընտրեն համապատասխան թեմայով քառյակներ/առնվազն երկու քառյակ:

Ավարտին խմբերին բաժանել ինքնագնահատման թերթիկներ:

ԵԶՐԱԿԱՑՈՒԹՅՈՒՆ

Կերտել հիանալի արձան և շնչավորել այն՝ լավ է. Բայց զարգացնել մատաղ խելքը, յուրովի կերտել պատանու հոգին և նրան ներշնչել ճշմարտության զգացումը՝ էլ ավելի լավ է: Վիկտոր Հյուգո

Հետազոտական աշխատանքից ելնելով՝ կարելի է ասել, որ նոր տեխնոլոգիաների և համացանցի օգտագործումը ուսման գործընթացում բարելավում և ավելի արդյունավետ է դարձնում ուսումնական նյութի որոնումը և յուրացումը: ՏՀՏ-ը խթանում են սովորողի ճանաչողական հետաքրքրությունը, բարձրացնում է ուսումնական գործընթացի արդյունավետությունը: Նոր տեխնոլոգիաները հեշտացնում են սովորողների կողմից թեմայի յուրացումը, բարձրացնում են նրանց առաջադիմությունը:

Ուսուցման գործընթացում սովորողներին ՏՀՏ- ին հաղորդակից դարձնելը, դրանցով աշխատելը ապահովում է տեղեկատվական լայն հասանելիություն:

21-րդ դարում խիստ անհրաժեշտ է գիտելիքների և հմտությունների, մասնավորապես՝ ստեղծագործական, վերլուծական, համակարգված, քննադատական մտածողության, մեդիագրագիտության, ինքնուրույն սովորելու, հետազոտական աշխատանքներ կատարելու, համագործակցային աշխատանքի և այլ հմտությունների զարգացումը: Անհրաժեշտ է ստորդել հայալեզու էլեկտրոնային հարթակներ, որոնք կկիրառվեն ուսումնական գործընթացում: Համացանցը ապահովում է հետադարձ կապ, որը դրսևորվում է ինչպես ուսումնական նյութի մատուցման գործընթացի կազմակերպմամբ, այնպես էլ ուսուցչի հետ հաղորդակցմամբ, որն իրականացվում է էլեկտրոնային փոստի, տեսակոնֆերանսի մրջոցով: Մուլտիմեդիայի հիման վրա ստեղծված էլեկրական ուսուցման համակարգերը առավել արդյունավետ միջոցներ են , քանի որ կենտրոնացնում են սովորողի

ուշադրությունը, հնարավորություն է տալիս սովորողին ինքնահաստատվել. ավելի լավ է մեկ աեգամ տեսնել, քան հարյուր անգամ լսել:ՏՀՏ-ի միջոցով պլանավորել ուսումնադաստիարակչական գործընթացը, ստեղծել առարկայական թվային նյութեր: Դրանք ունեն ևս մեկ առավելություն. Ինտերակտիվ են, ուսուցման ամբողջ գուծընթացում ապահովում են երկխոսություն՝ ուսուցիչ-սովորող, սովորող- սովորող: ՏՀՏ-ն ապահովում է որակյալ և հավասար պայմաններ բոլոր՝ ներառյալ կրթության առանձնահատուկ պայմանների կարիք ունեցողների, ազգային փոքրամասնությունների, սահմանամերձ, մեկուսացված բնակավայրերի սովորողների համար:

ՕԳԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ

- 1.Հ.Թումանյան. Ընտիր երկեր «Սովետական գրող» Երևան 1990թ. Հատոր
- 2.Հովհաննես Թումանյան երկերի լիակատար ժողովածու, Երևան 1988թ. Հատոր 2
- 3.Էդ.Ջրբաշյան Հ.ՆՄախչանյան «Լույս» ՀԲ Երևան 1980թ.
- 4.Կարլեն Դանիելյան «Գրականության պատմության լույսը» Երևան «Սովետական գրող» 1989թ.

